

ANDEGAVENSIS DVCATVS.

244

cipatus sui nomine promiserat Francorum Regi Philippo Augusto: a quo instigatus quū Pictōnes Regi Patruo-
ereptum properaret, cum exercitu Ligerim jam transgressus, ab eo ex improvīso superveniente captus, Roto-
magum est abductus, ibique non multo post accisus. Id non ferendum rata Arturi Mater, Constantia Conani
Britanniæ Principis filia & hæres, Regem Ioannem parricidii accusavit, apud Franciæ Regem, quem dixi:
quumque vocatus se iuri non sisteret, parricidii damnatus est sententia Parium Franciæ, ejusque Provinciæ
quas in Galliis habebat, Fisco Regis sunt adjudicatæ: quam sententiam ipse Rex exequens, Andegaveses sibi
deditione subjecit, Regique Francorum *Ludovico* Filio nominis ejus *viii* reliquit. Huic successit Filius *Lu-*
dovicus ix, Sanctus cognominatus, qui Provinciam hanc *Carolo* Fratri Apennagii jure concessit. Hunc sequutus
Carolus ii, qui Clementiam Filiam locans *Carolo Valesio* Provinciam hanc Dotis nomine largitus est. Huic suc-
cesserunt Franciæ Reges, *Philippus Valsus* Filius, & ex eo Nepos *Joannes*, qui nobilissimam hanc Regni protio-
nem Ducatus titulo, anno *cioccc l* decoratam Filio *Ludovico* Apennagii jure dedit. Hunc sequuti sunt des-
cendentelinea *Ludovicus ii*, & *Ludovicus iii*, quo sine Hærede mortuo Principatum adiit *Renatus* Frater.
Hic defunctis Liberis, Hæredem dixit sui fratris Filium *Carolus* (alii fratrem fuisse volunt) qui Hæredem scripsit
Ludovicum xi Regem. Et sic Coronæ Franciæ fuit adnexus, ejque unitus mansit; nisi quod *Franciscus i* eundem
suæ Matri *Aloisia Sabaudæ* in usum fructum tradiderit. Rex *Carolus ix* eum jure Apennagii tribuit *Henrico* Fra-
tri, qui deinde Poloniæ & Franciæ Rex. Metropolis Ducatus Andegavum est, Andegavensis Civitas Paulo Dia-
cono; vulgo *Angiers*. Ptolemæo dicitur *Juliomagus Andicavarum*, ut legendum monet Merula. Sita est in utra-
que *Meduana*, *Maine*, fluvii ripa, pontemque habet lapideum flumini injectum. Insignis ibi Politia. Episco-
pali fulget dignitate: Senescallatu etiam & Baillivatu, Sedeq; superbiens Præsidiali. Academiam habet celebrem
ab *Ludovico ii* Andegavensium Duce, anno *ciocccxcix* institutam; evocato, qui jus ibi profiteretur *Francisco*
Balduino. Habet hic Ducatus multa insignia Opida, alia aliis majora. Pauca ut vernacule sonant, dabo: *Sammur*
ad Ligerim cum Arce; Academiam, quam apud Regem Magni Viri moluntur, brevi habiturum: *Montreueau*,
Bauge, *Beau-fort*, *Brissac*, *Monstreul-Belay*, *Maleuvrier*, *Ghantocœu*, *Viliers*, *Duretail*, *la Fleche*, *Chasteau-Gontier*, *Segre*.
In hac Provincia multa Stagna, magnus Lacuum numerus, Rivuli non pauci, & plus quam quadraginta sunt Flu-
mina: Sunt & Vivaria Paludisque, Fontes item infiniti. Inter amnes præcipui sunt *Ligeris*, *Loire*: *Vigenna*, *la*
Vienne, *Viane* & *Ugnane*: *Meduana*, hodie *Mayne*, *Sarta* vulgo *Sarra* & *Lorius*. Extra urbem Andegavum vetu-
stæ monstrantur ruinae, quæ vulgo *Grohan* dicuntur. Hic quondam Theatrum ab Romanis exstructum fuisse
perhibetur. Apparet multæ parietinarum murorumq; reliquiae. Effodiuntur & infinita probæ notæ Numismata.
Cæterum huic Ducatui præter alios Comitatus, Baronias & Dominia quæ habet: Homagium, sive fidem clien-
telarem præstant hi Comitatus 4: *Maine*, *Vendosme*, *Beaufort*, *la Val de* quibus ordine agemus. Comitatus *Ceno-*
manensis, vulgo *Conté de Maine* primo loco occurrit. Hunc tractum Ptolemæi tempore *Cenomani* infederunt.
Provincia autem *Cenomanorum* inter primas Galliæ habitari cœpit. Olim ejus limites longius se exten-
derunt,

Urbs & Opida.

Lacus.
Flumina.

Comitatus Ceno-
manensis.